

Vaughan Gething AC/AM
Ysgrifennydd y Cabinet dros Iechyd a Gwasanaethau
Cymdeithasol
Cabinet Secretary for Health and Social Services

Kirsty Williams AC/AM
Ysgrifennydd y Cabinet dros Addysg
Cabinet Secretary for Education



Llywodraeth Cymru
Welsh Government

Ein cyf/Our ref MA-P/KW/2411/18

Lynne Neagle AC
Cadeirydd
Y Pwyllgor Plant, Pobl Ifanc ac Addysg

27 Gorffennaf 2018

Annwyl Lynne,

Yn dilyn y ddadl ar ein hymateb i adroddiad *Cadernid Meddwl*, roeddem am ddiweddarau'r Pwyllgor ar y trafodaethau yr ydym wedi bod yn eu cael o fewn y llywodraeth. Maent wedi canolbwyntio ar sut y gallwn gyflymu ein gwaith i wella iechyd a lles plant a phobl ifanc ar lefel ysgol gyfan yng Nghymru.

Mae datblygu plant a phobl ifanc gwydn a chyflymu'r gwaith o wella cymorth iechyd meddwl mewn ysgolion, yn feysydd allweddol y mae'r Llywodraeth wedi ymrwymo i'w cyflawni dan y thema iechyd meddwl yn *Ffyniant i Bawb*. Mae ymchwiliad y Pwyllgor a'r adroddiad dilynol wedi bod o gymorth mawr wrth lywio'r trafodaethau hyn ac yn tynnu sylw at yr angen i ni roi trefniadau ar waith i symud camau nesaf yr agenda ymlaen yn gyflym; bydd dull ehangach hwn o weithredu yr ydym yn ei gynllunio yn dwyn ynghyd nifer o argymhellion y Pwyllgor.

Felly, byddwn yn sefydlu Grŵp Gorchwyl a Gorffen Gweinidogol newydd – wedi'i gadeirio ar y cyd gennym ni i ffurfioli trefniadau i yrru a goruchwyllo'r cynnydd a galluogi i benderfyniadau amserol gael eu gwneud i sicrhau nad oes unrhyw oedi yn y gwaith. I gynnig mwy o eglurder i'r Pwyllgor Plant, Pobl Ifanc ac Addysg hoffem eich gwahodd, fel y Cadeirydd, i fod yn aelod o'n Grŵp Gorchwyl a Gorffen Gweinidogol.

Bydd grŵp cyfeirio rhanddeiliaid hefyd yn cael ei alw i sicrhau y gall yr ystod eang o asiantaethau sydd â rôl wrth gyflwyno dull gweithredu ar lefel ysgol gyfan gyfrannu'n ystyrion i'r rhaglen waith hon. Bydd manylion aelodaeth lawn y grŵp yn cael eu rhannu gyda'r Pwyllgor unwaith y byddant wedi'u cwblhau.

Er mwyn cefnogi gwaith y grwpiau hyn, rydym wedi cytuno i sefydlu tîm newydd o swyddogion pwrpasol i weithio ar draws portffolios iechyd, gofal cymdeithasol ac addysg i yrru'r agenda hon yn ei blaen ac i sicrhau ein bod yn gweithredu mewn modd sy'n gydlynol ac yn gynaliadwy ym maes lles meddyliol. Bydd y tîm hwn yn tynnu ar arbenigedd o asiantaethau allweddol a sicrhau bod y cysylltiadau angenrheidiol yn cael eu gwneud gyda

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Vaughan.Gething@llyw.cymru
Correspondence.Vaughan.Gething@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

rhaglenni gwaith perthnasol eraill - megis y Rhaglen Law yn Llaw at Blant a Phobl Ifanc dan arweiniad y GIG.

Elfen allweddol o'r gwaith hwn fydd adolygu unrhyw ddysgu cynnar yn dilyn y rhaglenni peilot ar estyn cymorth yn yr ysgol. Rydym wedi gofyn i swyddogion gysylltu â chi i gynnig i chi ymweld â'r prosiectau a'r dulliau presennol o weithio i weld y gwaith sydd eisoes ar y gweill yng Nghymru.

Gobeithio y bydd hyn yn rhoi sicrwydd i chi ynghylch y camau rydym yn eu cymryd i'n galluogi i gyflawni ein gweledigaeth gyffredin ar gyfer agwedd ysgol gyfan, fel rhan o'r dull ehangach o weithredu ar lefel y system gyfan i wella cydnerthedd, ac iechyd emosiynol a meddyliol ein plant a'n pobl ifanc. Byddwn yn darparu diweddariad ar yr hyn fydd wedi'i gyflawni i'r Pwyllgor yn yr hydref ac yn achlysurol wedi hynny.

Yn gywir,



Vaughan Gething AC/AM

Ysgrifennydd y Cabinet dros Iechyd a
Gwasanaethau Cymdeithasol
Cabinet Secretary for Health and Social
Services



Kirsty Williams AC/AM

Ysgrifennydd y Cabinet dros Addysg
Cabinet Secretary for Education